





來寄軒詩草

子遠姪過我荒齋具脫粟菜羹欣然一飽翌日  
惠草花數種侑之以詩依韻為答

細石如錢砌作墀幽居步屨雅相宜畦分鶯粟初移  
種觴泛戎葵漸可期墨突不愁塵在甕蓴絲兼喜滑  
流匙春明莫說當年事甘向人間號圃師

風閣閑園同諸兄弟看梅次寄齋原韻

梅壘花深傍枳籬緣岡繞澗望迷離尋春人約燒燈  
後踏雪舟橫入剡時形影互看終是韻色香俱淡始  
稱竒高樓何處聞羌笛輸我堦簾次第吹



其二

花滿郊垌酒滿杯謝家兄弟幾回來詩成郵雪愁難  
和粧向瑤池臺喜共催池館漸遮煙霧合軒窗盡豁好  
風開名園豈少梅千樹半掩朱扉鏤綠苔

其三

玉蟲金粟戀殘燈踈影窺窓罅可乘氣暖易醺添暈  
頰霜寒無夢怯冰凌鳧鷖水面仍相逐鷄犬雲中已  
解鷹喚起素蛾愁未醒月痕消處日華升

其四

鶴蓋虬龍揔屈盤新枝橫出長闌干和羹勲業知誰

在縞帶交情共爾看翠羽乍飛鬢影重脩篁時倚珮  
聲珊冰心未許因人熱領取先春幾日寒

花朝幼孜弟舉同寄齋子榮大年允文嘉賓廣

陵佑昆聯步出城遊范氏東籬詩以紀之

乘興頻頻折東招看花恰喜值花朝桃溪仍見離離  
樹柳逕重攀短短條緩步故宜迎笑靨聯裾不礙舞  
迴腰芳辰家醞携兼至吸盡長罌與短瓢

其二

微吟佇立藥欄旁雅稱幽棲是草堂夜月每逢花下  
飲年華那惜鏡中霜移來玉樹臨風秀何處猩紅對



曉粧

池上有海棠一株移植別所近以玉蘭補之

紀勝自憂才思拙好遊

清夢到池塘

夏日閒居襟咏次廷益弟韻

炎蒸難却且耽幽城角清陰夏水稠冰簟蕭齋宜永  
晝火雲京國怯重遊擁書自笑還同蠹作室無能祇  
類鳩賸有堦筮時迭奏更依三徑待羊求

其二

客談世事蝨時捫塞耳呼童倒綠樽芳草不愁淹歲  
月薜華誰與較朝昏勞生久被時名誤用拙深知吾  
道存閒課園丁勤灌引畦蔬頻摘在盤殮

其三

一官如寄久浮沉歸卧年來病似嗜汲井每愁垂綆  
短避人何用入山深叢花高柳娛吾目短榻踈籬會  
此心十里迴塘乘興發有時清嘯有時吟

其四

無能濟勝懶登山疊石縈紆試一攀路曲不知凡幾  
折雲深原只在中間穿池架壑供憑眺野叟邨童自  
往還筇杖一枝扶白髮高堂曾此賦閑閑

其五

柴門巷僻無車馬落落晨星少舊知故里乍回高士



駕謂陸辛齋他山重慰美人思查夏仲過訪以他山詩草見貽桐陰畧地

安碁局竹影浮橋理釣絲遲爾水清與玉潤野航秋

水得同移陸與查乃翁塔也

其六

諸弟才名迥不群阿兄原自愧無勲文章咄咄追前輩書法駸駸擬右軍昔日班衣同畫錦此時樽酒戀斜醺丹黃手澤書千卷燈火清宵細細焚

其七

橫空急雨過三更展轉關心夢不成歲稔尚愁民力盡時平乍見雨書驚蠅丸弄臭徒趁宿螢火爭光漫

盛明司馬不須勞九伐江城近處有我旌

其八

白鹵荒烟一望遙越山隱隱見嵯峽屯空沙岸初歸牧漁聚江邨正落潮瘠土漸蘇資保障安瀾易失慮飄飄長河飲馬無豐艸鄰壑于今怨未消舊例牧馬蕭山今移

牧吾邑

其九

微才只合自斟量伏櫪安能志八荒過眼羞看爭尺寸垂腰何意計青黃久知奔走同牛馬敢托徊翔擬鳳凰叢桂滿山荷滿招愛他夕露與朝陽



其十

桑麻風俗本來淳  
鷄黍還能具主賓  
碧藕分來調雪  
椀紅薇落處坐花生  
茵棲遲丘壑偏宜我  
放浪江湖有  
幾人莫謂城南天尺五  
嶙峋層塔是吾隣

其十一

耿々銀河動曉光  
閑居又易幾星霜  
苦無片玉臨風  
秀喜有崇蘭入座  
芳仗劍未忘酬遠志  
卜著先自得  
歸藏高原漸覺商飈起  
豫想黃雲被壠香

其十二

隔院張燈列坐隅  
高談涇渭闢榛蕪  
廷益與容詩甚壯  
爾因

夢艸詩無敵我憶趨  
庭泪欲枯把酒自憐  
清夜永讀書真悔少  
年徂滿前兒女牽衣  
戲涼月續紛照井梧

晚步口占

藤蘿深處綠陰肥  
閒數歸鴉送落輝  
正是晚涼新浴  
後一輪明月照漁磯

題贈東籬主人范文清

壁立柴門夜不扃  
春深花霧畫冥冥  
茶煙濕處雲生  
戶漁唱過時月滿汀  
桑柘陰中無負郭  
鷓鴣原上有遺經  
相逢拍點招提境  
曾向生公說法聽  
戒壇為平公說法處



其二

非邨非郭野人居學圃為農手自耨范叔一寒聊復  
爾陶潛五柳竟誰如藜床兀坐常穿膝莎岸閑行咲  
曳裾更羨水流心不競裁花重見劫灰餘時薪木偶  
有翦伐故

未言  
及之

過北山訪禹襲和尚

師來飛錫自兜峯我向珠林喜過從慧角早知能了  
了勝因終願結重重優曇鉢現僧千指纓絡幢開派  
五宗欲把塵襟頻洒濯夜深時聽講堂鐘

其二

儒生不解事莊嚴偶到精廬竟日淹石果點頭方是  
悟花如微笑可曾拈似逢津筏愁難渡得飽醍醐意  
已散未謝俗緣思淨業能魚咄我可能兼

庭前海棠二株枝幹弱小今年花開始盛題詩

志喜

十日春陰未放晴隻株嬌小護輕盈昵人紅潤如頰  
玉照眼穠華似錦城酒入雪膚寒未褪露凝啼臉暈  
初生紫絲翠袖相扶立伴我研朱倍眼明

其二

聞說移根自蜀川枝枝爭濯錦江鮮華清浴罷添春



困金屋粧成待曉宣  
畫入白團無好手  
影搖朱檻却隨肩  
郊園一本花高數丈  
老幹推頽甚國色  
樓深一惘然

為國色天香樓以貯之近已不勝搖落之感

與顧廷迓孝廉別三十載相遇于吳門道中流連話舊贈之以詩

髻年蕭寺共狂歌  
蓬鬢逢君五十過  
羨尔怒飛方水擊  
憐余初服返雲阿  
高談起舞心猶壯  
勝侶班荆興轉多  
相對一樽拚盡醉  
劇歡無奈別離何

贈胡階六孝廉

胡工秦漢篆籀之學資以奉母

公車挾策走神京  
彩筆題詩鐵筆耕  
突兀金臺空自

築摩娑石鼓竟孤行  
篝燈且著三千牘  
照乘終償十萬金  
菽水正當隆色養  
如君不愧孝廉名

輓查石丈封翁

耆舊悲淪喪  
濡毫涕泪中  
斯人胡可作  
吾道豈終窮  
箕穎名堪媿  
松喬壽不同  
生年誰滿百  
塵世一飄蓬

其二

鶴髮林垞老  
鄉邦夙望欽  
祇緣聞道早  
翻愛入山深  
邁種稱前哲  
論文識素心  
淮南擅水鑑

先生幼時為淮南守許先

生推重有絃絕為知音邁種之稱

其三



涇渭分流日先生獨守真平陂如有待物我盡皆春  
異學多榛莽高風邁等倫窮年惟矻矻一榻卧松筠

其四

名山耽著述隱矣更工文句吐青蓮石書留白練裙  
省躬期冥過績學喜多聞彷彿遺容在庭空落葉紛

其五

有子金閨彥馳封拜寵綸殊恩膺錫顙高志合長貧  
不改青山舊兼忘白髮新道遙携杖出大化委洪鈞

其六

乍出悲遊子迤歸泣藐孤轍山赴補未幾形摧腸迸

裂泪盡血同枯孝友為家政詩書奉楷模痛餘仍菽  
水萱寢經庭趨

祝孫南齡封翁七十時舉鄉飲大賓

鐘鼓虞庠式典型生申嵩嶽更鍾靈方壺淋氣歸鳩  
杖綸閣家聲在鯉庭仙掌正當浮沆瀣安車會見出  
林垌南陔南望情無極早向金門聚德星

其二

公輔趨庭仰大儒傳經一德展訐謨百川注海尋源  
遠膚寸為雲待雨敷令嗣以司空治河愛日細聽宮  
漏永承恩頻記彩毫濡於今孝治真無外寰宇高



年盡賜哺時有養老之命

過訪適齋姪承詩枉謝次和原韻

幽花踈樹隱柴門日擁琴書坐小軒菊滿正同元亮  
宅柰開疑是武陵邨勞生始信無錢好垂老方知不  
仕尊喜得阿咸猶健在每過林下共清言

適齋過荒齋小飯再次前韻

不驚羅雀稱衡門不作轅駒志氣軒盆內滋蘭當小  
圃城隅圍柳似深邨身閑多病詩兼廢宦拙無能齒  
易尊白飯青蔬吾共汝解衣終日兩忘言

祝勞奉翁年伯八十

耆英碩德仰清塵坐閱滄桑八十春棘院以酣三日  
戰花津重見一朝民趨庭清月丹霄麗接武新枝墨  
綬新誼屬通門同燕喜摠衣長願祝芳辰

其二

且喜春歸未是歸春長淋景正芳菲語兒溪畔停橈  
過穀兩花欄徧景園三月廿七日先生誕辰樂奏南  
陔知愛日書來北闕佐垂衣虞廷獻老徵耆舊早見  
蒲輪出帝畿

寒食園居即事

禁烟真見古風存炊斷朝饔與夕飡是日鄉人多不舉火余以風俗



近古宿火乍消香篆冷輕寒猶戀木棉溫踏青路怯  
衝泥屐繫艇人歸隔岸却積雨更思新霽色一川晴  
綠散朝暎

寒食後一日宿僧舍看諸弟奕

野寺翻成聚首時謝家兄弟夜圍棋兵馳空壁難矜  
疾柯爛秋山可較遲短燭易摧新改火危樓曾記舊  
題詩悠然一枕羲皇夢當局輸贏總不知

前歲吳孟舉五十余以詩為壽已失稿不存今

貽箋索書舊題因記憶補綴于此

懷君此日正懸弧燕喜風光入畫圖照眼榴花紅錦

合暎堦葵葉綠雲扶霞觴並引稱仙侶繡祿雙陳識

鳳雛

時連有夢  
熊之喜

最羨謝庭森玉樹啼散時復聽呱呱

其二

新聲競奏舞僂僂簾奏香風漾綺羅曲宴每邀名士  
集高軒深謝貴人過年同衛玉非何有花比江郎賦  
已多天上金泥催草勅曉開閭闔待鳴珂

嚴存菴宗伯書至招同孟舉為苔雪遊因得詩

二首附錄扇頭代柬

垂柳村深靜不譁遠傳佳筴屬塗鴉神駒已見生頭  
角敝帚何當掛齒牙散去詩篇同土梗頻來書札等



瑤華春卿前日貽芳訊苔雪招尋泛短槎

其二

相期倚棹並穿花蒼弁清苔引興賒莫使韶華虛歲  
月何妨踪跡老烟霞輕寒夜醉烏程酒嫩日晴曛願  
渚茶襟被共携追勝賞一帆飛去任歌邪

送連符蒼郡丞署篆還台州

路入天台吏亦仙翩翩司馬借才賢  
雙熊視篆來千里兩海褰帷又一年  
既望雲霓又望歲寧為鸞鳳不為鷗  
攀轅未遂與人願目送行旌意惘然

雨中適齋姪惠荷包牡丹僧鞋菊草花二種頗

助幽興報之以詩

愁霖日日掩空齋逸興如君孰與儕  
花贈一枝同錦帶菊分三徑到僧鞋  
藥籠從此添佳品籬落還教長

嫩菱荷包牡丹即當歸花剝啄不聞啼鳥寂苔痕草

色綠盈堦

其二

閑情草木遣幽懷分種移根韻事諧  
老圃沿緣開士履深閨搖曳美人釵  
連宵宿雨因風急幾樹繁華半土埋  
啜茗一杯香一縷藥欄花榭儘差排

連日雨未已自和前韻



窓明几淨讀書齋坐列圖書與古儕已辦杖頭傾竹  
葉未能行腳踏棕鞋芹生幽澗芽初茁果落空庭核  
有菱荒徑驟添三尺水憑他蛙電自升階

其二

難將樂事寫愁懷品竹調絲總未諧高樹不聞鶯弄  
笛空梁猶滯燕飛釵樓遲仲蔚蓬蒿老沉醉劉伶麴  
蘖埋溝澮易盈還易涸老農蓄洩苦安排

帶次和魏蒼石太守題閑園原韻

西清人地兩優閑治郡何如九折灣八口移家唯白  
水雙熊到境有青山也知直道先憂黜其奈輿情未

允板過我園近留信日題詩盈軸不教還

其二

城闌經過喜寬閒又泊孤舟暮雨灣半榻松風寒對  
客一簾花影曉看山邨醪飲盡還能貰飛蓋迴時許  
再板五馬遂成三徑約習家池上肯輕還

其三

東臯遺圃稱投閒地僻溪迴徑復灣楊柳覆橋斜繫  
艇梅花遮屋巧當山隨時節物供人眺到處藤蘿引  
客板守得一邨仍舊業鴻冥應共鶴飛還

其四



握手郊原幾日間飛花吹盡渚蒲灣交情淡泊長如  
水世路崎嶇險似山解組即應歸便得驅車何事又  
羈板浙河士女喧闐甚日坐棠陰待爾還時太守復有闕中之

行

疊東吳孟舉前韻二首寄存菴謝教尺五堂集

擬于午節前赴約詩以訂之

閉戶書成遠市譁鳴鳩絕啼又啼鴉研都不減張平  
子知我無如鮑叔牙間館賓朋多蘊藉幽居水木本  
清華浮家泛宅真吾事何必高乘犯斗槎

其二

曲江曾記舊看花後乘欣陪願已賒廿載共趨中禁  
月幾年同卧海霞編鸞羣書就銀鈎帖蠅眼湯翻雪  
椀茶到日蒲觴應共泛葵榴搖曳絲絲斜

自禾城發舟順風揚帆舟行甚疾暮泊姑蘓城  
外喜晤舍弟省覲南還得詩二首

夢穩初聞解纜聲揚帆人喜放舟輕春江浪暖繞三  
月荒埭鷄鳴又五更鷄首乍飛驚綵翼馬蹄爭疾過  
重城生平未得乘風便為囑長年緩緩行

其二

延佇船窓午困醒垂虹亭畔正揚舲波涵寶帶玲瓏



碧山望靈巖縹緲青晝錦歸時知愛日春帆聚處可  
占星金閭舊是分襟地說盡離情與尔聽

重刊自歎

日在山阿與水阿閑居歲月總蹉跎浮生鷄肋吾何  
有薄俗羊腸路轉多冷暖破除看物態平陂難定信  
時過胸懷落落長如此贏得樽前一闕歌

園居獨步

一枝棲息地寥落野人居邨自三家小園成五畝餘  
隅林聞好鳥別浦見遊魚步屐延清賞幽懷早已摠

其二

梅徑緣溪轉迴崗散曉芬風飄度嶺雪晴散隴頭雲  
壓帽愁難入牽裾忍易分根頭五老石香氣坐氤氳

次韻和介眉見貽之作

荒寂庭齋處士梅綠陰長傍碧山隈偶邀佳客扶筇  
至博得清吟索笑來二酉盡窺書滿腹三升難罄酒  
盈杯郊園許我留題徧白雪驚飛未易才

其二

麥秋時候正黃梅積雨人家盡水隈解籜新篁歌復  
整穿簾語燕去還來心情嬾處唯高枕風月佳時一  
舉杯欲涉大江同倚棹需君真是濟川才



杭州太守蘇小眉有眉山後身之譽詩以美之  
黃州典郡又西湖千載聲名繼大蘇宦績江山如有  
待政成風土更無殊行吟曉騎看花出問俗春犁帶  
雨扶賢守後先真合轍依仁何幸詠芳模

贈武原令李梅壘從天台令調繁

風流茂宰赤城仙谷水何當更借賢製錦祇須尋舊  
績鳴琴尤喜在更絃詞源直挾秋濤壯民隱周知海  
日懸膏雨桑田看雉雉掖垣梧鳳待君遷

送廣陵弟還朝次賦別原韻

弓旌鄭重貴立園門巷春生景色暄早擬巍科能結

主重煩申命更銜恩醫將濟世肱須折語為驚

人舌屢捫先我着鞭還我待玉堂兄弟本同根

其二

別緒千條黯不禁離情還藉酒杯深彫年送臘先春  
色朝旭當陽散夕陰鳳沼泥金需染翰螭頭載筆喜  
勝簪衝寒不憚兼程發為有區區戀闕心

其三

投閑未許開三徑傑直重趨傍五雲繡虎才名猶績  
學籠鸞書法更工文闕河易阻心彌結風雪連宵忍  
乍分到日城西開邸第禮園藝圃事耕耘



其四  
塵寰三載苦倥傯  
路入蓬壺境轉通  
地迥可容凡跡  
到官閑時喜故人  
同蘭臺譔述推班  
固絳帳笙歌屬  
馬融記得舊時遊  
息地綠槐深院晚  
涼風

其五

北闕恩光及早春  
東華仍踏軟紅塵  
龍鱗黼座瞻雲  
表鶴髮朱顏憶老親  
聖德如天難報稔  
臣心似水  
敢言貧趨朝若奏  
昇平曲彩筆應同  
淑景新

其六

書來驛路報平安  
念我花間尚鷓鴣  
冠落葉作薪松作

塵殘荷為服竹為  
簞馬牙未了衰年  
累魚鳥深知盛  
世寬擬向春明尋  
舊夢八磚紅影日  
三竿

何外壬申歲二日  
移任郊園即事寫  
懷

早因卧病謝冠簪  
清夢依然繞禁林  
伏枕敢辭臣力  
盡拂衣難忘主恩  
深崢嶸歲序催霜  
鬢耐久官階  
識苦心出處本來  
同一轍許身長願  
比南金

其二

柏葉椒花歲籥新  
紅箋錦字寫宜春  
舊時綵勝原無  
用初換桃符意轉  
親長把病軀資藥  
裹還將直節比  
松筠年來踪跡渾  
疎放只合磯頭理  
釣緜







其二

隔歲除書列坐隅開械拜手重歡呼  
君恩已起丹山鳳家乘欣添柏府烏  
萊舞乍歸新賜錦冰街猶濫  
舊吹竽一門兄弟多殊遇靖獻唯應誦典謨

燈夕招叔大弟郊園看梅不至詩以促之

遲君不至興猶賒春草亭邊玩物華  
甕面正浮新釀酒枝頭留得未開  
花九微燈試千枝合十里塘迴一  
徑斜風景正殊情致別夜深土鼓  
聽鄰家

少子遠姪以詩送行次韻為答

柴門蕭瑟興猶賒烏鵲空庭也自  
譁花逕年深成小

圃詩篇老去自名家依栖陋巷看  
時態爛熳芳尊領物華別爾定知  
重握手離情那有賦堪誇

其二

春衣典盡酒頻賒四座時聞笑語  
譁看竹僧來高士宅脩琴客過野  
人家觀空早覺心無累攬鏡何愁  
髮有華盡識歲寒松柏好滿庭紅  
艷不須誇

少宰趙玉峰招飲園庭後三日復蒙見召時值

臥病不赴枕上口占代柬

黑雲催雨散涼颼庭敞高臺錦席披  
情溢飲醇人盡醉興酣落筆坐題詩  
祇談風月宜今夕早識鹽梅定



此時未解宿醒重見召病懷無分對御卮

次和金碧園詩十二首為玉峰少宰賦

山公退食愛春暉子孝臣忠兩不違喜起時逢今日  
盛期願親在古來稀小紅果熟留丹顆嫩綠槐陰儼  
翠微寢膳旣調歡色笑曉瞻龍衮倚彤闈

其二

亭館依然似昔年披襟閑坐晚風前甄陶品彙歸冰  
鏡晉接賓僚列綺筵路入仙源知地迥人依化日覺  
春妍百篇對客須更就斗酒何曾讓謫仙

其三

公餘魚鳥足流連掘井澆花自得泉柳絮正飄才女  
賦榴花初結小兒拳鼎鐘勳伐應隨後旄鉞聲名遠  
振前靜折松枝當麈尾霏霏玉屑聽談懸

其四

共喜清時振羽翰詩篇持贈比琅玕過墻梧影常浮  
碧向日葵心祇是丹為國樹材兼樹德庇人忘暑亦  
忘寒平津他日延賓從長揖優容禮數寬

其五

望雲亭上伴雲閒暇日尋幽肯放慳翠挹遠山看縹  
緲泉分鄰井聽潺湲繞籬步屨新開徑疊石登臨小



有山雨後空庭滋草色芊芊生意不須刪

其六

右軍書法本來禽落紙雲烟興不禁縞帶交情今舊  
兩錦囊詩句短長吟許身自足追皇古聞道深知非  
自今敬一心傳開講席孔顏樂處共追尋

其七

城闈環碧水瀾漫亭榭高騫併四難  
棊几湘簾回午夢白蘋紅蓼長秋灘  
詞源浩浩真同瀉腹筍便便合用攤  
彝鼎圖書供把玩織塵無累是空觀

其八

長日難消似小年肯教花木讓平泉  
空梁燕語雛初引選樹鶯啼舌轉圓  
渴賜金莖雙掌露香分太液半池蓮  
堯天舜日光華遍拜手高歌豈偶然

其九

曲江花事憶芳菲三十年来舊侶稀  
佇看袞衣調玉鉉不聞翠羽飾明璣  
將車行樂心偏壯折柬招呼興欲飛  
幸際雍熙無事日薰風時聽五言揮

其十

歡聲南國似雷轟是處堂陰仰大名  
百雉盡瞻霜雪肅三吳猶見法星明  
功高保障當年事契洽金蘭舊



日情回憶紫宸宣召日旌門卧轍肯教行

其十一

孤懷無競亦無求風月佳時興會幽半世不因人共  
熱一年唯愛景當秋衣冠再整從時尚珠桂重來動  
旅愁斥鷃本無鴻鵠志卑棲纖响自啾啾

其十二

和罷新篇更輟然自慙小草亦葱芊琳瑯已夢花生  
筆瓦礫難酬錦作篇廿載浮名同梗泛千秋絕學喜  
薪傳過從時許親函席沂水春風在眼前

壽合肥中堂太夫人八十

北堂萱寢傍楓宸寶婺鍾祥八十春器卜金甌瞻補  
衮枝榮玉樹見垂紳沙堤新築迴鸞駕仙樂初調奏  
錦茵彤管千秋傳盛事黑頭元老白頭親

除夕次呂山劉進士韻

歲去不愁今日盡朝來仍似隔年初一宵迎送三條  
燭竟日周旋兩架書雲本無心還再出癡雖云賣未  
全除鄉情旅思供酬唱懷抱逢君得少舒

其二

輦下重來更結鄰城西巷僻少車輪無媒甘作處囊  
穎得路須為有脚春自昔長安居不易從今里井說



猶辛君平不卜升沉事贏得銀幡曉又新

其三

宜春繡帖彩箋紅隨俗桃符點染工斗室幸容雙膝  
坐寸心無復百愁攻賓朋折柬逢迎少兄弟開樽笑  
語同老去又添他日累牽衣稚子學呼翁

其四

韶光暗逐如流水猶喜衰顏是故吾家食久安寒士  
腹珍庖重飽大官厨隨年賃屋樓難定排日尋春伴  
可呼香霧滿庭塵影息旋回新旭散陽烏  
春日偕同館諸公郊遊即事次沈允斌編脩韻

紫陌尋春事遠探青絲聯騎半羸驂松林障日千年

樹昌運宮松  
脩極奇勝花逕行厨十里擔翠影盤空珠殿悶胎

香飄墮酒杯酣層梯携手憑高望野外從教慶盍簪

登天母寶閣同遊者沈允斌度汪  
曹懿士王汝猷楊芝田吳西李

其二

遠峯斜日半巖陰路轉花宮入錦林興聖寺果園  
花極繁甚四

野空濛孤塔迥衆芳迴合一亭深園有衆  
芳亭神依御

苑聞仙蹕坐近香臺聽梵音此日勝遊兼勝侶愧無

佳句荅清吟

澤州陳悅巖先生尊人發粟賑饑熱券市義詩



大化本無私至仁在利物胞與苟同懷胡為自封殖  
慨自世道衰爾疆復我域升斗不安施倉箱多委積  
貨必藏諸身力惡自己出博施聖所難假口徒稱說  
賢哉惟我翁慈惠唯我植汪波千頃寬河潤九里濶  
值此一方民饑凶當游徧墨突寒無烟川源莽蕭瑟  
野既鮮蓋藏人不保家室覩此澤中鴻翁心常惻惻  
司徒保息六振窮與極兀荒政十有二散利俱第一  
廩有粟如墉我豐爾胡嗇大沛陰雨膏救此寒簷色  
指困集州人貸爾供晨夕牽囊負擔歸重起溝中瘠

努力事耕耘來年大稔獲敢忘大恩施完逋同返壁  
出納準義倉其事循往轍翁云胡必然類此殊曲折  
取券盡然如冥冥兩無迹歡聲動若雷頂踵真罔極  
奔走顛建祠遠近聞絡繹長吏順輿情溫文請部牒  
翁聞寵若驚急足走京邑令子實冢鄉為天司喉舌  
堯舜其君民庭訓稟夙昔手札重叮嚀壺殮罔言德  
嚴命曷敢違披誠告宗伯鉅典弗遽膺為翁成謙抑  
閭井千萬家有情難自遏代石表通衢大書復深刻  
翁誠百世恩民亦三代直兩美並足傳濡毫紀其實  
唐事府署拜觀 御書龍飛存誠六大字石刻



恭賦二十六韻

睿藻擢雙闕奎文燦七襄潤分銀藻上光燭玉河旁  
題處卿雲麗傳來寶墨香四靈歸簡素八法辨毫銚  
不貳傳心遠存誠正學昌鴻書開渾噩健筆起鴻荒  
締地難方美經天豈易量蛟龍鱗蛇蜒鸞鳳羽迴翔  
仙管毫抽紫宮箋粉研黃得心皆入聖無體不兼長  
金石披三代縑緗冠百王取材多變化審勢必端莊  
元氣難雕勒宏猷詎表章良工登郢匠巨石採崑岡  
位置形模正磨礪節角方禹碑崇體制羲畫肇文章  
畫洩千年紀橫開萬丈光明明明陳琬琰一一列珪璋

盛事留天府餘榮到玉堂際時欣自托竊祿愧非常

恭侍皇太子主敬殿會講敬賦二十韻

鶴禁求衣後龍樓問寢餘露華收玉祀晴旭上瓊疏  
青蓋雙幡引文輶五彩舒鸞鑣鳴噦噦鳳幄起徐徐  
銀榜開丹禁瑤編捧石渠經函橫玉几講席傍宸  
居慶洽重離日光分四部初七經歸吐納六藝盡爬  
梳瞻對儀容肅敷陳聽受虛淵源由聖教統緒識  
皇儲粹質金相似溫文玉不如珪璋崇黼黻文史亦  
畋漁下賦詞難罄溫箴意少摠搯脩同砥礪典學惜  
居諸紫極分潛彩青宮起令譽前星光照耀少



海派縈紆何幸雲霄地還聯侍從裾有懷親琬琰無  
計報瓊琚共仰高深久空慚學術踈光華廢復旦沾  
被足詩書

翻譯通鑑綱目較閱鏤版告成恭紀二十韻

寶籍重光日琅函啟秘時百王崇典則一代仰文思  
法戒昭千古褒譏屬片辭道惟綱目正義並典章垂  
考鏡陳編在叅稽往哲貽折衷歸一是持論戒偏私  
鑒自重瞳定謀叅一得知編摩良史職翻譯國  
書宜競走龍蛇筆俾傳龜鑑詞星辰懸法象川嶽發  
華滋事蹟踰千卷書成閱四暮分明詮釋正流播表

章竒睿製光雲藻同文盛羽儀豈惟昭往古直是  
準來茲金玉同科律龍鸞炳粲梨雕鐫謹毫髮校閱  
敢差池細素堆天府裝潢燦玉屏宗臣齊捧賜家塾  
有餘師聖代宏規啟微臣鉅典窺漸濡文治久風  
俗萬方移

孟夏之月上念農事方殷傳命禱雨齋壇靈

雨隨霑敬賦喜雨詩

三春晴旭景暄妍萬彙都歸長養天乍拂薰風知解  
愠更思膏雨為祈年丹霄靉靄收殘照碧野空濛濕  
曉烟神貺既昭隆對越秩宗牲璧走仍虔



其二

齋居禁直初嚴日忽慶祁祁雨澤深歲事先憂厪  
睿慮甘霖早應識天心蒼郊水滿千疇玉綺陌園  
開萬樹金退食喜霑袍袖濕綠窻間對遠山岑

其三

雨師未甚覺愆期 聖主憂民預禱時縹緲銀河傾  
浩澤氤氳芳甸動華滋三秋便擬占多稼六月還應  
見濯枝昭假宗朝如響答翻疑雲漢咏周詩

其四

皇仁浩蕩徧遐方自有休徵驗雨暘率土歡娛開豫

順敷天穢澤足豐穰雲霓慰田間望川嶽欣承祀  
事將簪筆侍臣司紀述好摠颺頌紀虞唐

昇平詞

宸旒粹穆藹春暉萬國共球拜紫微三十二年宵旰  
切備太平天子正垂衣

其二

經文緯武泰階平甘雨和風四海清化瑟靜調人樂  
業咏歌 聖澤似春耕

其三

帑金頻發更蠲租 聖主恩膏曠代無樂土年年猶



免賦九重賜復萬方蘓

其四

省方南國見巡行隱隱嵩呼萬歲敬一豫一遊勤

補助六龍時御歲功成

其五

曾聞泗水駐旌旗龍象光生俎豆時寢殿夙瞻成

禮退高林雨露見滋培

其六

洪流浩瀚隱堯衷底績全憑畚鍤功已見石屏安

水國金堤長翠帝圖中

其七

會稽東去夏王封珪璧親承祀事恭敷土萬年思禹

績日翠華臨幸慶朝宗

其八

祝網其皇仁解澤流網踈何必問吞舟金雞木鳳尋

常事漫說唐宗始縱囚

其九

親除大吏擁旌旄天語溫醇似飲醪薄海盡教登

衽席九重猶未識焦勞

其十



承平不見羽書飛  
戰士何勞卧鐵衣  
燕領虎臣頻入  
對我 皇親為指邊機

其十一

豐年為瑞見時和  
澤馬山車未足多  
耕鑿久安忘帝  
力一莖九穗產嘉禾

其十二

西清署列禁垣旁  
索筆真同侍 玉皇文治正當全

盛日昇平詞獻萬年觴

壽少宰策寄齋尊慈

寄齋喜讀書時有書策之  
目其尊人武績最著

欣陪鶴禁侍螭坳  
燕喜登堂見石交  
霜潔母儀瞻闈

範春溫 天語識書策  
仙厨膳進麒麟脯  
丹穴祥鍾

鸞鷲袍夙仰天公多懋績  
英姿颯爽建雲旂

贈少詹事傅希音

名努赫廿載  
前同脩國史

蘭臺授簡共抽書  
轉瞬分襟廿載餘  
何幸再登青瑣  
禁依然並侍 紫宸居  
宮臣望重推弁冕  
僚案才踈  
愧散樗鳴佩一堂敦  
古處春風不改舊交初

賀少宰

傳經祠葺大河傍  
源遠深知世澤長  
葉葉有材皆杞  
梓人人似玉盡琳琅  
庵藏螺髻思先哲  
樓擁牙籤憶  
侍郎四海交遊爭仰止  
風帆雲樹鬱蒼蒼



沈原衡脩撰尊人尋親嶺南賦贈并祝  
庭闈親遠隔蠻天瘴海驚波入險年  
典郡正逢多難日覆巢何意挈家旋  
行同蓬累承先澤策奏天人啟  
後賢七十滄桑行已徧箕疇錫祉自綿綿

壽醫士錢博山

耆英高會集群仙不羨湘靈鼓瑟年  
四海交遊遺縞紵千門市隱即林泉  
青囊妙術壺中秘鴻漸高風物外傳  
爭識韓康能濟世採芝長向白雲邊

載侯姪獲雋詩以慰之不作世俗通賀語也

托足無門走帝畿手扳仙桂擢秋闈  
鶴鶴原上鳴

尤急萱草堂前泪暗揮縱壑淵魚仍仰沫  
覆巢完卵復高飛書生一第尋常事始悟  
人間禍福椽

其二

翻新舊事忽張羅荆棘生階路轆軻影入  
訟庭愁引蔓戰酣文陣欲投戈花生綵筆  
芳菲早瓜種青門感慨多聽罷鹿鳴須泥  
飲莫因燕趙起悲歌

其三

足馬天街踏軟塵招賢舊第過平津金門  
羣從多於昔群從多金馬先相國詩中語也玉樹孫枝喜是  
新世德自來崇禮讓家風原不諱清貧水  
霜豈是無情物紅杏枝頭待



好春風氣不輕青負水露豈足無計

昔其四

上客焦頭竟剥膚傷心往事一長吁早知無計營三

窟恨不將身竄五湖子證父攘寧為直弟肥兄瘦搃

何辜蒼蒼幸不隨人意危者還持顛者扶

壽洪東亭廣文

東亭名珣學使琮之弟選君玕之兄

先生品行動高閣伯季中間仰令名吏部銜清終是

弟文衡望重忝為兄諸生請業推山斗當宁臨雍拜

老更鶴髮翛然返初服不將蝸角與人爭

吳孟舉屢詒書見訊兼寄茶墨羅綿之惠作書

報謝系之以詩

七里山塘五夜分黯然離別欲銷魂明燈絮語愁千

疊細雨輕帆酒一尊自笑世情多枳蠶獨勞書札寄

寒溫歸鴻未得因風便又報瓊琚早及門

其二

墨卿作伴自江鄉雪碗調蘭引興長厚繡臨風翻畏

熱輕羅當暑易生涼四時之氣都能備一體如君那

可忘最是夢魂飛越處邨深黃葉月如霜

中秋日燕坐偶題

秋老暄和異昔時濃陰散作雨絲絲香熱栢子披陳



卷茗淪松風注古甕插鬢又逢霜後菊登高長賦客  
中詩一緘鄉信題還擲嘹噤歸鴻寄每遲

其二

僦屋頻年祇自嗤追呼曾不爽毫厘精鏗拮握難供  
值去日崢嶸定有期半榻僅堪施莞簟一塵未得穩  
茅茨門前早有求逋客妨却高春睡熟時

其三

鶴禁迴翔竟日由玉河人指是瀛洲國書琬琰登梨  
東仙署鸞鸞益校讐名托高齋欣自得居同陋巷亦  
何憂年來事事方前哲布被光生晏子裘

其四

寒生砧杵動比鄰敗絮鋪床軟作茵塵甑偶餘瓶底  
粟糟床新整甕頭春但知微尚存丘壑那有高歌泣  
鬼神掩耳不聞塵世事出門還却笑逡巡

次和履仁感懷原韻

寒女機邊怯短袂踰躄舞袖十三餘爭傳北里多新  
寵應戀南山有敝廬跡類凍蠅吾自笑才同春藻尔  
誰如芳年豈是悲秋日藝圃從教對月勑

其二

迢迢玉漏燭花殘欹枕哦詩到夜闌篋底舊繻原早



棄客中長缺不須彈啣杯共語三秋好對影休驚一  
第難弱羽縱然兼酒輒鳶魚終覺海天寬

詠秋海棠次韻

搖落驚秋早是桐海棠殿後一番紅不隨穠艷依春  
檻別有鉛華傍綺籠薄怒乍迴晨頰暈半酣仍戀晚  
霞烘丹砂欲乞顏難駐點染曾無化筆工

查可亭韻

其二

閒庭靜對綠陰叢墻角嫣然弄小紅朱粉乍施終是  
露絳綃微褪總因風最憐咲靨開生面莫比啼鵲怨  
轉蓬老圃秋容應漸好金英新蕊碧紗籠

楊次也韻

聞雁詩次履仁韻

來是春陽去屬秋雁聲又記一年過空閨淚濕書難  
寄客館腸迴聽轉愁非為稻梁寧暫息偶逢鴛鴦亦  
同遊衡陽到日兄知否小弟蒼顏更白頭

時八兄官  
衡州故及

九日無暇作此自遣

三秋風物正清嘉搔首空庭數去鴉客邸杯盤重九  
日天邊砧處幾千家長吟未就肩頻聳短髮休吹鬢  
易華何處更尋芳艸徑暫遲黃菊壓羣葩

壽盛瑜示年兄八十齊眉



腹笥便便是我師况兼碩德與龐眉三春並響看花  
日六典分曹秉筆時同預纂脩會典月旦有評煩齒及風流  
未墜敢肩輿祇應北面推山斗長祝南山酒一卮

其二

繡豸霜清鶴髮翁幾年林下挹高風踈籬菊蕊三秋  
逕絕礪梅花教畝宮膝下引雛他日鳳亭邊立馬舊  
時驄木公金母真仙侶共聽雲璈縹緲中

壽胡鹿亭尊慈

名高執法屬恒山益筭持衡淮海間長伴曉星供內  
職更依卿月陟清班馳封詰嗣飛騰早靜課諸孫禮

數媿紅燭綺筵羣進爵舞衣萊綵共斑斕

適齋姪郵寄中秋見懷詩依韵却寄

三千里外經年別矯首清光兩地同北闕正浮仙掌  
露南樓長憶古人風了無俗累超塵表難免霜鬢滿  
鏡中謝爾白頭勞遠訊一椀書札寄征鴻

再疊前韻

歲序驚心秋又半新詩遙與故人同秫田不種難供  
酒仙骨無憑可御風未極言荒早之苦蒔竹栽花三逕裏眠  
雲嘯月一龕中忘機鷗鳥終相狎此日籠禽慕遠鴻

再疊前韻



瘦骨槎牙今較健喜聞眠食舊時同詩人早結耆英  
社宗子猶傳渤海風通齋為吾家大宗屋似短蓬秋水外門  
依踈柳依陽中阿咸把臂知何日目斷天邊幾點那

恂齋弟齋中看菊

滿屋秋花錦不如參差環列任扶踈華燈座上紛相  
接斗酒床頭定有儲為晚寒香頻琢句更依清影坐  
攤書閑曹兄弟縻官俸莫道餐英儉腹虛

恂齋弟折東見招訂于後二日同諸兄弟羣從

會飲疊前韻

人與黃花較可如傲霜風骨世情踈根移老圃聊隨

俗瓶浸清泉耐久儲池草秋來仍入夢酒符農遣為  
澆書占星後日知應聚客邸無愁歲月虛

恂齋弟席上再疊前韻

鷓行同列雁行如鬪酒看花興肯踈杏酪香分黃菊

韻席間出杏酪佐酒霜螯醉共綠醅儲新得醉蟹方飛鳧向

日仍需次允昇候補州刺史鏃羽逢秋且著書澹成履仁下第留京師

風景不殊良會數故園翻使夜堂虛

寓齋對菊仍疊前韻

小堂風景野人殊落落霜葩點綴踈弱榦不扶原自  
直踈籬無遜倩誰儲窓前靜對三杯茗几上清供數



卷書菜甲滿庭冬事足寒道堪飽腹中虛昔有醃菜之舉

再疊

搔首無能百不如花枝應笑鬢毛疎色香向晚新茵吐名品先春舊種儲飲谷可延三紀筭甘谷有菊泉飲之得上壽灌畦仍讀十年書紫桑早識陶居士何必相如賦子虛

醃菜口號

青於蒼玉白於脂呼取當街賣菜兒笑我無錢搔手去今年價值倍他時

其二

軟語高聲喚却回碧雲壑擔入門來傾囊買得無多子爭似秋園屋滿堆

其三

小庭風日正晴和薄曬輕攤軟軟按削出玉膚鬆似雪繁英猶飽一羣鵝北地治菜去葉留梗故云

其四

僮奴親督手爬梳細濯清泉短短祛剪剪西風寒較甚冰生水面夜來初

其五

裁冰壓雪響珊珊旋搗薑蘇貯滿盤大甕深缸齊糝



入明年吃到杏花殘  
其六

別有佳名是晚菘  
辛香頭白葉青葱  
縱然風格超時  
輩不分人間喚醅翁

其七

官舍蔬香韻事添  
琴書輟輟理蔬鹽  
他時客到無兼  
味餽飢唯將菜甲拈

其八

蘓黃葵白滑流匙  
縱不清齋也自宜  
燂吻更須連汁  
飲酒醒殘月夢迴時

其九

園官風景舊曾諳  
野蕨邨蔬恣意貪  
齒頰津津饒有  
味癡腸食葉勝于蠶

其十

鮭菜登盤饜老饕  
樽前何計更持螯  
蓴羹佐酒須鹽  
豉怪殺鹽同酒價高

其十一

冬筍江南似蜜甜  
竹鞭深處露微尖  
若能併入金齏  
美自古熊魚便可兼

其十二



少壯何曾計飽溫青雲事業志長存如今袖手成高坐長愧頻年咬菜根

次和查德音菊花詩即以贈別

荏苒三秋又浹旬莫嫌黃菊過芳辰今年菊花十月望前始放金

英滿放何愁晚玉蕊徐開總是春早識清姿能拔俗

獨留疎影更依人霜根已並蘭芽茁慢慢東籬未覺

貧令兄夏仲偕令嗣同科獲雋

和蘇其二

踏遍前邨與後邨間居名品細評論蕭疎風韻宜凭檻錯落星球好在盆麗質自來無俗相高枝原是不

凡根喧闐花市爭酬值且斂寒香傍故園

其三

餐英却粒勝黃精仙侶詵詵舊有名詵詵仙徒食其落英見菊銘

客邸對花常北向故園無夢望西成清泉細注全晨

飲素慢頻開為晚晴咲我心情甘淡漠一生生計愧

肥輕今年家鄉若旱故有無夢望西成之句

其四

秋花日日醉松醪無復離愁賦楚騷嗟老見貽同拱璧販夫惟解覓錐刀小堂暫擬開三徑空谷居然冠六曹俗眼不難留物色清標森列等身高



其五

老圃霜姿臭味深  
賡酬佳句似敲金  
閒情已共鷗盟  
遠好事空勞蝶夢  
尋酒可暫賒  
唯北釀花如解語  
定吳音江南名種  
繁於錦  
擷取幽芳  
向上林

送姚蒼叔歸西冷

水落桑乾古磧平  
西風黃葉送歸程  
連槽夜秣羸驂  
嚙遠成晨炊野火  
明上國文章終入  
穀故園花竹且  
閑評湖山勝處  
娛親好畫舫頻  
移載酒行

茂公表弟以詩索醉即次來韵奉東

把酒持螯興未闌  
暫遲明月滿如團  
若能即過東籬

下白日同居醉眼看

疊前韻速之

羣芳凋謝歲將闌  
賸有黃花似蜜團  
晷短正須乘早  
過興酣秉燭夜深看

越一日周大年招隱再疊前韻

每日啣杯到夜闌  
客厨正美蟬臍圓  
飲醇又喜同公  
瑾霜月空庭滿意看

即席探韻得六麻為履上表弟賦

滿庭風露一簾遮  
樺燭雙株生影斜  
闌酒故教遲把  
酒客索飲甚亟主對花非盡為看機  
因誘敵散敵緘

酒客索飲甚亟主

對花非盡為看機因誘敵散敵緘



嘿疾似追師手攬罕理小事微堪喻大看君他日擁高牙

送履仁之天雄

時子敬官大名履仁往依之

羣從天涯似里閭追歡未久別離初依然作客仍愁女無復言詩為起余野館定迴千里夢輕裝先寄一車書

載書滿車附友先一日往

旌門高會賓僚盛猶子摠衣拜起居

壽姚堯園太翁

庶常弘緒尊人

先生品行重儒宗名振詞壇奪席重棘院久酣三日戰絳帷多執一經從歡承玉署情偏切露泥金莖味

自濃行見蒲輪徵國老綵衣堂上看扶筇

馬思遠業賈能詩長安公卿俱有贈言客有索

余賦者率爾應之

幾從燕市識高名乍讀詩篇老更成系奉扶風來白下居同通德重神京松醪夜月供酬唱茗椀春風管送迎縱入塵寰無俗韻一時清譽滿公鄉

賣花詞

查子可亭讀書于西斜街之長春寺門當花市序屬悲秋賦賣花詞十六章余讀而和之事偶涉于芳菲情無關於比興就花言花多



見其才之不逮矣如曰效顰則吾豈敢  
鳳城西去兩斜街花市長春寺外排多少貴遊聯騎  
過幽人閑步踏棕鞋

其二

吹律幾番回黍谷勾萌是處露生芽非時費盡滋培  
力不是能開頰刻花

其三

接軫連車日漸西求多持約笑豚蹄豪華博得多金  
買一醉街頭爛似泥

其四

撥火澆泉五尺童暖蒸花氣霧濛濛地爐巧奪天工  
力仙杏天桃雪裏紅

其五

滿目繁華匝地堆因時酬值去還來紛紛載過移春  
檻我獨尋香嗅幾回

其六

亞字盆梅屈曲成水仙花葉一時并燕姬笑拍迴眸  
處嬌小身材燕子輕

其七

人面桃花映小樓海棠銀燭夜深留簾籠香透濃於



麝撲鼻玫瑰插滿頭

其八

拳石玲瓏雅似山  
蘚痕苔溼色斑斑  
盆池清徹如明鏡  
灼灼花枝照短鬟

其九

斗大空庭擬灌園  
東風刮地惱花幡  
從今更識花情性  
淺種深培舊有痕

其十

花房祇為因人熱  
紙帳難言不染塵  
少待陽回春自至  
暖風晴日更宜人

其十一

紅葉翻階似舞衣  
欒枝穠艷較梅肥  
丁香細綰同心結  
花刺撩人是野薇

其十二

徐挽香車到日曛  
杏黃衫子石榴裙  
芭蕉分得江南種  
影散天邊作彩雲

其十三

荷露輕圓也似珠  
榆錢濟得一人無  
當庭國色天然貴  
可納中人十戶租

其十四



酒壚茶肆買花回座上爭看錦繡堆  
桃李雖妍總麤俗綠陰深處有三槐

其十五

小窓清韻對檀欒雪虐風饕壓短欄  
那有花茵供坐卧憐渠長伴一瓊寒

其十六

千條弱柳折殘枝綠暗紅稀摠教遲  
聞說拒霜留晚節未妨隨分養幽姿

同年熊蔚懷尚書到京次書升年兄韻

我來仍散秩公到壓清班歲月同流水  
人生老轍環

甘盤終念舊謝墅肯教閑最好清秋節  
寒光色尚斑

其二

登瀛年盡少異姓實金昆自昔稱同學  
於今摠抱孫讀書真作楫筮易得求婚從  
此當鈞逐年年奉至尊

其三

拜命登車日間關道路遙鞭搖青嶂月  
漏聽紫宸朝藥裹隨行李琴書慰寂寥  
莫愁鄉信遠江上有迴潮

其四

長安多甲第陋巷一蘧廬枉顧唯良友  
相逢慰索居



詩同郊島瘦樂味孔顏餘  
鍵戶成疎懶臨淵有羨魚  
其五

後乘追陪以身輕似羽毛  
雕蟲慙技小學奕遜人高  
立仗隨三呼鳴霄聽九臯  
濟時多碩彥須作冠山鰲

其六

我安耕鑿去世路感頽波  
絲竹歡情減交親冷眼多  
興耽三逕癖人被一官磨  
重結鴛鴦侶猿啼愧綠蘿

其七

司空重柄用大地盡回春  
分手十年別同時幾故人  
和衷歸鼎鉉直節比松筠  
念我勞勞久應憐車脚薪

其八

衰年吾較晚盛世日方中  
堯舜垂裳久臯夔接武  
同樽前多噉鳳天外憶冥鴻  
但願人長聚何愁室屢空

勞書升年兄招同熊蔚懷嚴獲菴讌集詩邵越

森携其尊人札至在座喜賦

萍踪聚散摠難知客邸金蘭話舊時  
畧去官資仍齒

讓損忘形跡愜心期  
杞花杯泛紅于玉

杞花石杯霜其色似玉

月輪高滿似規更喜通門敷  
世好過庭携札慰相思

其二



尚書承命入皇都霜憲銀臺兩大夫公等濟時同黼  
黻我甘隨分老菰蘆重來虛點駕班末老去真愁綵  
筆枯多少升沉追往事尊前沉醉更狂呼

沈度汪宮諭招同署諸公夜集即事

花開曾讌早春時霜落仍煩命酒卮寒戀晚香猶有  
菊興酣佳句共題詩窓前木石俱堪友座右箴銘是  
我師歲序正逢飛雪候夜深瓊玉滿堦墀

其二

承華深禁接清顏退食仍依玉筍班文酒流連頻對  
月居諸荏苒幾看山未曾少別分形影偶一相思便

往還幸得身名無俗累玉河長聽水潺湲

巖薈菴副憲招飲時仲冬望前一日餘雪未消

月明如畫致足樂也

尊酒連宵正樂群霜臺秉憲共論文雪飛瑞玉才盈  
寸月欠清光祇一分寶翰尊藏瞻鳳翥佳甕珍秋  
盡龍紋皆席上所見回思三十年前事東觀繡書到夕曛

其二

擁爐圍坐到深更皓魄真同不夜城道遠關山分聚  
散時清中外少逢迎爭傳青海豐貂至不動紅塵荔  
子生中四聯皆語次所及幸際昇平多盛事咏歌懽讌有餘情



田望西前輩熊蔚懷勞書升嚴獲庵三年兄邵

越森世夫同枉寓齋小集拈矮字為韻

莫悵別離多相逢飢渴解先生古道存意致殊瀟洒  
履聽尚書聲冠我霜憲鷹銀臺一興豪句吐千人駭  
揣摩一文學煉鐵得精錯余衰子復穉學步行初蹶  
搽語雜北音吾宗原渤海聊具雜委供霜寒已無蠓  
醉後添盤殮辨字識黃矮書升索醃菜佐酒獲庵云  
白莖黃矮乃菜名俗呼黃  
是芽非明月照我前清風不用買形跡主賓忘俗慮一  
時擺願言崇令德與世作模楷

寓齋小集書升年兄賦古詩一章依韻為答

殘菊影蕭疎居同陶令宅金蘭感故人歡會何常隔

陋巷枉高軒敢云吾召客陽春滿屋生頓覺寒威辟

前輩一典型田望西  
學士同年三拱壁熊蔚懷勞書  
升嚴獲庵歲久

情益親蒼顏已非昔孔李來通門行作王喬鳥邵越  
森需

次為連宵唱和詩交口人膾炙慙余樗散姿腐芥附

靈珀杯盤草草陳雅興清興適天地亦蘧廬聚散如

投驛春鄉賦遂初詹事久歸籍吳楚有數公幾載遠

歡懌念我投荒久何以慰日夕樽前百感生話久移

前席皎皎共此心霜月空庭白

飲楊芝田宮允宅



簪裾夜集綺筵清坐到深更月正明名酒早知過北  
釀珍庖方不愧南京三冬晴旭冰先解四座春風暖  
易生百罰豈因觴政肅觥籌無限主人情

消寒詩和楊次也韻

隊散香銷興已孤斜陽何處抱花鬚莊生只合蘧蘧  
睡無復穿簾賺小姑

右凍蝶

漁庄蟬舍水雲間紅蓼秋深曲幾灣一片楓林堪入  
畫吳淞江上夕陽山

右冷楓

翥鳳騫鸞作意飛入神書法世間稀無端忽被風吹  
斫摩得殘碑幾字歸

右斷雁

一夜秋聲撼碧空庭柯吹散影朦朧寒松翠栢高千  
尺傲霜欺霜更耐風

右落葉

飽颺饑附緣何事怪爾長緜已受擎狐兔正肥沙磧  
暮草枯鷹眼落邊城

右飢鷓

葭莢連天一望秋蘆花占盡水邊洲扁舟竟入深叢



去酒具茶鐺坐兩頭

右枯荻

不因癡點不因狂熱處趨承  
總避涼滿眼醇濃秋暑  
退可能重起作排場

右癡蠅

蕭瑟郊原已着霜草頭都變麩  
塵黃馬嘶不見青青  
地祇覺關河道路長

右衰草

紫蠓登盤盈一尺篩香搗辣  
八唇輕無腸公子脂填  
腹堪笑詩人太瘦生

右巨蠊

啼螢泣露已成暗誰向塔前伴  
苦吟正似子期絃斷  
後無人重聽伯牙琴

右寒蟲

割蜜花房漏洩春  
裹頭人似守庚申  
楚宮枉自矜腰  
細忍餓分甘贈與人

右殘蜂

北地冰鮮較昔強灤河銀鯽到冬僵  
蓴鱸漫起秋風  
思輸與滄江艇後娘

右霜鯽



送吳西李中允省親

詔許寧親去莫停  
桃花春漲好揚舲  
帆檣夜月披襟對  
蕭鼓中流震耳聽  
舞彩正携新賜錦  
趨庭仍過舊傳經  
獨憐紅藥翻堦處  
那得同君倒玉瓶

其二

玉河新柳正毵毵  
羈緒離情兩不堪  
苦守一官居硯北  
懷人千里在江南  
門迎黃髮春難老  
家住清淮樂且耽  
定省畢時重攬轡  
掃除花徑待停驂

柯贈公崇祀鄉賢

玉帳籌邊日旌門  
授律年霄功推令  
子懋德識先賢

篤行孚邦國施恩徧里塵  
俗知敦禮讓人盡樂陶甄  
哲嗣元戎貴天家錫命專  
橫歌馳鐵騎壑浪下樓船  
南服方除亂西陲更拓邊  
聲靈多赫濯勲績著旂旃  
水木思源本哀榮式几筵  
宮墻崇俎豆弓冶動杯棬  
衍慶名彪炳升馨祀潔蠲  
孝思知不匱歌咏萬人傳

送邑令王元公

茂宰新除物望崇  
異時聲績獨推公  
分符不負經綸志  
製錦應收保障功  
地近海門瞻化日  
人從緱嶺挹仙風  
桑陰雉雉行春徧  
烟火邨邨慶屢豐

送安慶別駕周南屏



五馬棠陰世澤培

令叔祖慶

舊

雙幡又見使君來題與

早識非凡器展驥方知未易才燕寢凝香供坐嘯春

江飛輓幾沿泗政成會有鋒車召秩晉清華坐斗魁

送茂公表弟南還

挾策遊京國燕山正好秋棘闈三日戰旅館一年留

貧既同原憲才當薦馬周豈期分手處歸思滿滄洲

其二

掀髯時一笑短髮尚飄蓬逸興烟霞外高歌慷慨中

擁鑪深夜語欹枕北窓風聚久難為別離愁對遠鴻

其三

中表為昆弟墳麓氣倍親高堂猶健在樂事此方真

念切倚閭久歡承舞彩新團圞家慶足端不羨勞薪

其四

客邸同為客君歸我未歸飲拚今夕醉腰減去年圍

豈合仍簪筆終當老釣磯一官非久戀寄語到柴扉

重陽前五日沈東田洗馬齋中小集

未及重陽節秋深菊已斑知君饒逸興為客破愁顏

細蕊頻宜嚼繁枝頗耐刪急須添晚種高會續龍山

其二

客邸風光好霜清雁叫時浮踪多聚散拙宦共棲遲



饌美吳中味香生若下卮留賓能盡日羈旅竟誰知  
其三

燕地今宜竹紗窻翠色新墻羹偏有韻檻外自依人  
客至催題句風來不染塵莫嫌總數尺清節比松筠

其四

密邇過後數高齋幾樂群興酣時潑墨坐久更論文  
公等才無敵吾衰酒易醺倚闌閒竚立極目望歸雲

和澹臣姪思歸原韻

說到鄉園興已飛篋中頻減舊征衣啼鶯幾傍高秋  
宿語燕終尋舊壘歸一任風霜催短髻可堪糟粕笑

人肥紅塵不逐爭名客雪案螢窻獨汝依

其二

書齋時過聽絃歌苦欲教兒奈嬾何步武木天吾已  
晚菑畚硯石爾偏多頭銜未改容踈放詩句難工喜  
琢磨家遠不堪回首望年來耕讀兩蹉跎

其三

每到閑時轉似忙西山日日倚青蒼輪蹄送客尋僧  
舍鷄黍邀賓到醉鄉兔走烏飛原瞬息蠅頭蝸角總  
微茫作人自笑無長物典盡春衣又驕驕

其四



山有高峰水有沱閑尋伴侶擬經過白雲嶺上參差  
騎紅樹江邊款乃歌契托金蘭曾有幾忘憂歲月更  
無多從遊預訂他年約烟雨空濛荷短策

勞書升年兄齋中盆蘭蒔花一枝乃隔年本也

主人喜而賦詩爰付丹青寫為盛事次和原

韻

清和淑氣轉崇蘭舊本重開隔歲難九畹未滋香馥  
育一枝同報竹平安嘉賓咲指流傳賦好手描成想  
像看莫比幽人在空谷光風鄉月兩盤桓

其二

金蘭臭味幾人諳草木應知世澤含種向謝庭爭吐  
秀未貽黃髮喜勝簪孤芳自挺真超俗穠艷空勞壓  
滿擔最憶湖山美風日香生澗北與溪南

槎光姪輓詩

曩歲辭鄉邑君來送我時相看情脉脉祇覺鬢絲絲  
何遽成衰疾終難仗藥持忽聞哀訃至涕泗日漣漣

其二

行輩吾差長生年爾較前隨肩同步屣折節與周旋  
恬退無餘嗜丘園早自便入林遲把臂辜負仲容賢

其三



可慰平生志家門世德長佳兒看脫穎快壻待舍香  
棊几攤詩卷茅簷壓酒床老魂招易得夜月儘徜徉

其四

耦耕原有約投老在巖阿杖策應相訪開樽亦許過  
愁深淹歲月淚灑隔關河雁叫霜天濶聊絃楚些歌

適齋姪郵寄覽鏡詩次和却寄

微軀仍是舊儒冠鑑底清光頗耐寒歲月易催人屢  
換周旋寧作我頻看愁知何補還須遣泪不虛彈早  
自乾幸得癡懷無俗物菱花長對水晶盤

次適齋寄懷詩原韵

客懷無賴是初冬衣冷頻添絮幾重愛訪舊遊行且  
止懶題鄉信擲還封殘燈垂燼膏愁聲枯硯書毫墨  
未濃莫怪季鷹歸思切吾衰年已合扶筇

勞書升年兄同時先舉一女復舉一子時尊翁

年伯年逾八旬猶康健無恙也詩以美之

金童繞駕彩雲過玉女先傳渡絳河繡綵雙陳歌載  
弄錦箋齊賦祝三多掌珠在握紛啼笑御月間情映  
綺羅他日東山饒樂事謝庭咏絮聽鳴珂

其二

遥睇雙鳧擁雀鱸仙郎為令近衡巫長公省渥洼後



至驚龍種丹穴先徵產鳳雛  
泱月再邀湯餅會異時  
同上彩衣圖阿翁猶作斑  
斕戲為報高堂倒玉壺

壽胡脩予編脩祖母丘太夫人八表

雪鬢朱顏八十秋金閨燕喜即丹丘  
雙成花下鸞笙度西母筵前鶴駕留  
彤管音徽傳閭範紫泥雲錦慶  
孫謀扶筇笑指堦前舞菜籽斑斕已白頭

壽胡脩予尊翁六表

洞庭秋好雁來時競奏笙璈介羽卮  
待漏正當簪筆處望雲偏切倚閭思  
歡同孺慕承顏好老去奇英入  
社遲家學共傳因鯉對早知聞禮又聞詩

衛爾錫年兄自塞外歸燈下話舊即送歸里

孤臣還絕塞涕泪一身存驚喜狂呼走報危  
忍細論塵隨清露濕顏借濁醪溫即便安隴畝  
餘生荷聖恩

其二

得喪多難料悲歡一夢中幾年成宦達  
萬里哭途窮筮蹇原非偶衛自家起官  
擊蒙豈有功衛以征苗獲罪今朝

歸異域塞上可稱翁

其三

放歸仍詣闕僦屋得鄰居蕭瑟寒風至  
蒼涼夜色虛



羸駘疲遠道敗屨裹殘書百感紛然集何由盡掃除  
其四

明星隨屋角燈火照離顏君苦牙先落吾衰鬢已斑  
有生任顛悔行路足間闕幸不隨霜隕飄駭類草菅

其五

君年劉半百伯玉始知非悔勉嗟何及投荒孰與依  
崎嶇嬰世網憂患感生機讀易期無過愁城亦解圍

其六

苦憶當年事情親若弟昆執經同几席退食共饗飧

怪爾飛騰疾

衛自檢討官州倅  
不數年存膺節鉞

憐余骨相屯中吏

三十載有淚幾同吞

其七

久絕還鄉夢居然返故吾無山不可隱有谷今名愚  
何必文章著寧教禮法拘到家同野老興至即提壺

其八

從此更分手君歸我亦歸形骸甘土木顏狀耻脂膏  
苦未離鉛藥終當穩釣磯重逢那可卜相顧各歎欬

重九後同人餞送衛爾錫年兄次書升韻

藥榜當年年盡少座中今半白頭人依然黃菊酬佳  
節不改青松羨綠筠邊塞生還驚險絕水霜歷盡識



天真短衣疋馬從前事歸去應添漉酒巾

宋母許夫人五十壽

編脩宋為洲母文恪公之副室也

手調膏醴佐鹽梅喆嗣鴻文炳斗魁碧海珠胎涵舊澤瑤塔玉樹識新醅占鳳勲業推房杜吐鳳才名屬馬枚色養方隆剛半百瓊裾頻引紫霞杯

壽少司空李年伯母八十壽

高門設悅氣如虹膝下稱觴屬上公臚唱五雲傳及第官分六典正司空倚闕久切承顏志度地新推保障功司空右衛營建大工甫竣少待百年開畫錦娛親綵服杰松同

除夕汪母蘇恭人七十壽

吏部汪鍾如配庶常汪苻洲母

黃海雲開望白雲北堂佳氣正氤氳辛盤餞歲迎春至樺燭傳觴待夜分啓事山公隆夙望登瀛才子自超羣令妻壽母難方美頌述誰工絕代文

祝母許太夫人七十壽

工部祝母

瓊管西池奏錦茵綵衣堂上祝長春仙郎粉署含香日慈母萱帟設悅辰國計正籌天庾粟鄉心寧羨鏡湖尊銀書爛熳迴鸞喆鶴髮扶携拜紫宸



